



Poruka za sve uposlene od direktora Securitasa BH, Edina Hukića



Drage kolege,

Nadam se da ste svi dobro i zdravi.

Prije svega želim da se zahvalim svima vama, a posebno kolegama koji su svakodnevno na terenu i na objektima, na izuzetnoj profesionalnosti i požrtvovanosti. Vi ste ti koji u ovoj nesvakidašnjoj situaciji činite prvu liniju čuvanja naših ugovora sa klijentima. Činjenica da odlazite bez straha na svoj posao umiruje one koje štitimo i ostavlja posebno vrijednu sliku o nama u cijelom društvu. U toku prošlog mjeseca nije nam stigla niti jedna pritužba na naš rad, ali su nam stigle pohvale i ohrabrenja od naših klijenata.

Zbog smanjenja broja sati na fizičkoj zaštiti, nakon dužeg perioda kada smo imali nedovoljan broj uposlenika, prvi put smo u situaciji da određeni broj kolega neće raditi puni fond sati ukoliko se situacija ne promijeni. Iako se suočavamo sa kompleksnim organizacijskim rješenjima zbog vanrednih okolnosti, trudimo se da radimo na najbolji mogući način. Niko se nije mogao pripremiti za ovako nešto, ali činjenica je da Securitas i dalje posluje stabilno i da smo likvidno preduzeće.

Svjesni smo koliko je rad na objektima zahtjevan i odgovoran i zbog toga vas molimo da se pridržavate svih standardnih procedura i ostalih uputa vezanih za vanredne okolnosti. Poštujte propise nadležnih Kriznih štabova Civilne zaštite i drugih organa vanredne uprave. Ali prije svega čuvajte sebe, svoje zdravlje i zdravlje svojih članova porodice.

Edin Hukić, direktor

**MI POMAŽEMO
DA VAŠ SVIJET BUDE
SIGURNIJE MJESTO**

15. april
2020.

Info SECURITAS



Drage kolege,

Susreli smo se virusom koji je nov i za nauku i za društvo. Svakoga dana se dolazi do novih otkrića o načinu prenošenja, načinu na koji Covid-19 izaziva druga oboljenja u ljudskom organizmu.

Trenutno smo sigurni da ima veću stopu smrtnosti od ranije poznatih virusa gripe i prehlade posebno za osjetljivi dio populacije, starije osobe i hronične bolesnike.

KAKO SE IZBORITI SA STRESOM TOKOM OVE KRIZE

Držite se provjerenih činjenica.

Nemojte obraćati pažnju na dezinformacije i neprovjerene priče. Čitajte o situaciji iz provjerenih medija.

Provodite vrijeme sa što užim krugom ljudi.

Posvetite svoje slobodno vrijeme članovima svoje porodice, razgovarajte sa njima, šaljite se.

Čitajte vijesti što je manje moguće.


Normalno je da ste uznemireni, ljuti, preplašeni ili tužni tokom ove krize.

Porazgovarajte sa nekim kome vjerujete. Popričajte telefonom sa porodicom i prijateljima.



Nemojte se rukovati pri susretima.

Držite distancu od drugih ljudi najmanje 2m.



Pokrijte lice laktom kad kišete ili kašljete, a nemate masku.

Perite ruke sapunom i koristite dezinfekciona sredstva često.



Izbjegavajte područja gdje se okupio veći broj ljudi.

Nosite masku i rukavice u skladu sa uputama.



Nemojte dodirivati lice rukama.



Molimo vas da se osjećate slobodni obratiti Kriznom štabu Securitasa BH ukoliko imate pitanja, nedoumica ili mislite da vam možemo pomoći u ovim kriznim vremenima.

Možete nas kontaktirati na besplatni telefon 0800 20 022.